

*MASTER
NEGATIVE
NO. 92-80704-3*

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

FABRICIUS , AUGUST

TITLE:

DE M.LEPIDI APUD
C.SALLUSTIUM ...

PLACE:

MOSQUAE

DATE:

1848

Master Negative #

92-80704-3

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

87SI
E662

Fabricius, August,
De M. Lepidi apud C. Sallustium oratione
quaestionem proposuit Augustus Fabricius...
Mosquae, 1848.
iv, 77, [1], p. 20 $\frac{1}{2}$ cm.

25499

Restrictions on Use:

TECHNICAL MICROFORM DATA

FILM SIZE: 35mm

REDUCTION RATIO: 11x

IMAGE PLACEMENT: IA (IIA) IB IIB

DATE FILMED: 7-14-53 INITIALS ny



FILMED BY: RESEARCH PUBLICATIONS, INC WOODBRIDGE, CT



AIM

Association for Information and Image Management



1100 Wayne Avenue, Suite 1100
Silver Spring, Maryland 20910
301/587-8202




Centimeter



Inches



MANUFACTURED TO AIM STANDARDS
BY APPLIED IMAGE, INC.





Μηδὲν ἄγαν

JULIUS SACHS



DE M. LEPIDI

APUD C. SALLUSTIUM ORATIONE

QUAESTIONEM

PROPOSUIT

AUGUSTUS FABRICIUS,

SEMINAR. PHILOLOG. IENENS. EXSENIOR, CAESAR. MOSQUENS.
LITERAR. UNIVERSIT. LECTOR.

MOSQUAE MDCCCXLVIII.

LIPSIÆ, venum dat E. F. Steinacker.

Печатать позволяется,
съ тѣмъ, чтобы по отпечатаніи представлено
было въ Ценсурный комитетъ узаконенное число
экземпляровъ.

Москва, Октября 25 дня 1847.

Ценсоръ Николай Зерновъ.

PRAEFATIO.

Neque ignoratis, quae hodie fons sit nonnullorum, de parvo linguae latinae pretio tanquam de tripode declamantium: quorum utrum superbiam prius memorem an ignorantiam?

EICHSTADIUS.*)

Totius quaestiunculae ratio haec est. Ex deperditis C. Crispi Sallustii historiarum libris oratio superstes est, quam M. Aemilius Lepidus consul contra L. Cornelium Sullam dictatorem egisse vulgo creditur. Tamen multa intercedunt, quominus eam Sallustio adscribas: primum enim a vero alienum videtur, Lepidum consulem Romanos impune ad arma vocasse contra dictatorem in republica maxime pollentem; dein certissimi testes affirmant, Sullam ante Lepidi consulatum dictatura se abdicasse; postremo, haec concio

*) *Henricus Carolus Abrahamus Eichstadius, Germaniae decus, in orat.: De nova societatis latinae instauratione. Ienae MDCCCXL.*

in verbis quidem et locutionibus Sallustium repraesentat, in argumentis vero parum sibi constat, totaque elumbis atque debilis est. Quas ob causas hanc orationem ab imitatore contra temporum rationem verique similitudinem effictam putaverim. De his itaque in hoc opusculo quaesivi. Dicendi autem genus elegi simplex atque tenue: displicent enim illi, qui in huiusmodi disquisitionibus rhetores agunt, et „magno afflato spiritu altisonis verbis admirationem imperitis atque stuporem incutiunt.“

*Scr. Mosquae - Rossorum ipsis Cal. Octobr.
anno p. Chr. nat. MDCCCXLVII.*

Quaestio de M. Lepidi apud C. Sallustium oratione.

Inest:

- I. Introitus.
- II. Sullae et Lepidi vitae.
- III. Lepidi oratio.
- IV. Dubia.
- V. Sententiae recentiorum.
- VI. Earum recensio.
- VII. Testimonia veterum.
- VIII. Eorum recensio.
- IX. Oratio examinatur.
- X. Conclusio.

Primum deprecor, ne me tanquam philosophum putetis, scholam vobis aliquam explicaturum. Cicero de finib. II, 1.

I. Caium Sallustium Crispum, eundem qui Catilinam et Jugurtham scripsit, etiam res populi romani M. Lepido Q. Catulo consulibus ac deinde gestas composuisse, competentem habemus.¹⁾ Id autem opus quinto et decimo seculo adhuc integrum atque incolume, tam adversa inde fortuna tantaque temporum iniuria est usum, ut eius nunc nihil quam pauca „fragmenta“ supersint: minora passim a scriptoribus conservata, maiora in duobus libris vaticanis. Qua tanta iactura vehementer commoti, superiorum plures omnia haec dissecta sparsaque membra sedulo collegerunt, si totum corpus ex his

¹⁾ Plura de hac Sallustii historia apud Baehriam invenies in: Geschichte der röm. Literatur 1832. §§. 190. sq.

efficere possent; sed deperdita iam colchica illius Medae arte maiorem diligentiam, quam eventum habuerunt.²⁾ Qua re deterriti recentiores uberiori cum fructu studium suum in solis maioribus fragmentis collocaverunt. Quae enim librariorum socordia foede depravavit, ea Gerlachii accurata codicum vaticanorum collatio³⁾ et sagax Orellii studium⁴⁾ plurimis in locis refecerunt. Nihil tamen secius de multis rebus, quae in his maioribus fragmentis tractantur, minus constat, pluresque libri, qui ad dicendi textum melius castigandum facere videntur, inter sese nondum comparati sunt;⁵⁾ ita ut multi

2) De his vide sis Fuhrmannum in: Handbuch der class. Literatur. 1810. IV, 581 sq. — Kritz de C. Sall. fragmentis. 1829.

3) Gerlachius C. Sallustii quae exstant. 1827. III toni, 4nis.

4) C. Sallustii oratt. et epist. ex historiar. libris deperditis. 1831. — C. Sall. Catilina, In-gurtha oratt. et epp. 1840.

5) Utpote editio princeps, quae anno 1475 octonis Romae prodit, nondum cum aliis collata est.

adhuc loci sensus integritate careant, atque interpretis curam desiderent.

In his itaque fragmentis primo loco legitur oratio Lepidi consulis ad populum romanum, quae tota in L. Sulla dictatore conviciis lacerando versatur, atque plurima habet, quae dubitari possint.

II. Sed antequam ad eam venio, ne postea in singulis rebus explicandis haeream, videntur pauca esse praemonenda, quae ad illorum temporum historiam pertinent.

⁶⁾ Aeque iure inter plebem et patres communicato, eorum potestas Romae invaluit, qui honoribus provinciisque aut vectigalium redemptione nobilitatem atque opes sibi paraverant. Hi optimates, dum imperium populi romani sociis abutendo crebrisque bellis augebatur, ceteros cives iisdem fere artibus, quibus antea patricii ple-

⁶⁾ Auctores, praeter veteres, mihi imprimis fuerunt: Niebuhrius in: Röm. Geschichte nach Niebuhrs Vorträgen, anglie a Schmitz edita, germanice a Zeissio. 1844. — Göttingius Geschichte der röm. Staatsverfassung. 1840.

bem, in egestate et paene in servitio retinebant. Populares vero his iniuriis permoti ad socios inclinarunt,⁷⁾ qui precum, ut quondam plebes, pertaesi ad arma recurrerunt.⁸⁾ Quo bello „sociali“ dum varie pugnatur, duo viri, civium dissensionibus in castra tralatis, civile bellum excitant.⁹⁾

¹⁰⁾ Cajus enim Marius L. Cornelium

⁷⁾ Optimates et populares cum patriciis et plebeis confundi non debent, in quo erravit Merimée la guerre sociale. 1845. Saepe enim, ut fit in civilibus discordiis, patricii cum popularibus, plebei pro optimatibus steterunt. Socii eodem discidio laborabant: quorum multi pro connubiis aliisque necessitatibus rei romanae favebant.

⁸⁾ Weiland de bello Marsico. 1834. — Merimée cit. — Kiene der röm. Bundesgenossenkrieg. 1845.

⁹⁾ Kiene l. c. cap. VII. Der Bundesgenossenkrieg wird ein Bürgerkrieg.

¹⁰⁾ Auctores recentiores: Zachariae Sulla als Ordner des röm. Freistaats. 1834. parte I. — Drumannus Gesch. Roms in seinem Uebergange von der republican. zur monarchisch. Verfassung. 1834 in vita Sullae.

Sullam, privatus iure sortitum, Asia provincia per tribunos exuere voluit, sed a C. Sulla urbe expulsus est, qui victoria clementer usus contra Mithridatem in Graeciam traiecit. Dum ibi rem prospere gerit, consules Cinna et Carbo, iusta civitate sociis data, hos Mario conciliaverunt, urbeque ipso Mario duce capta, Sullanos pro hostibus habuerunt. Quam ob rem Sulla, pace cum Mithridate facta, infestus Romam rediit, Marii iam demortui assecclas severissime punivit, atque dictator reipublicae constituendae causa creatus, reipublicam ad hunc fere modum constituit. Primum,¹¹⁾ ut suorum caedem ulcisceretur Marianorumque vires fraugeret, horum principes vita bonisque exuit: liberis eorum honoribus interdixit: sociis et civitatibus, quae

¹¹⁾ Wittichius de reip. rom. ea forma, qua L. C. Sulla totam rem rom. commutavit. 1834. Ramshornius de eadem re eodem titulo. 1835. Göttlingius cit. capite: Die Sullanische Verfassung. Vockestaert de L. C. Sulla legislatore. 1816. — Thesaurus variarum lectionum auctore Pancirolo. Lugduni 1617. II, 132. —

secum non fecerant, civitatem agrosque ademit. Dein Romae tribunorum potestatem paene sustulit; comitiarum licentiam coercuit: senatus auctoritatem iudicis ab equitibus tralatis auxit; rem iudiciariam ordinavit; leges sumptuarias tulit. Postremo, ut has mutationes quasi fundamento stabiliret, senatorum numerum asseclis auxit; decem millia servorum civitate donavit, agrosque expulsorum civium et sociorum legionibus assignavit. Ceterum, libertatis et legum specie populo blandiens, consules creari passus est, ipseque consulatum dictator iniit. Dein vero dictatura se ultro abdicavit, rationes actorum, si quis vellet, pro concione promittens, atque privatus in Cumanum¹²⁾ secessit, tanta cum gratia, auctoritate atque potestate, ut Puteolanis petentibus leges scri-

¹²⁾ Appianus cum Cumis, Aurel. Victor Puteolis habitasse refert, quod fere idem. Strabone enim teste (V, 4. §. 6.) ἦν δὲ πρότερον μὲν Δικαιοσύνη ἐπὶ τὴν Κυμαίων· κατὰ δὲ τὴν Ἀντίβα στρατείαν συνήρμασαν Ῥωμαῖοι καὶ μετωνόμασαν Ποτιόλους.

beret,¹³⁾ curam restaurandi Capitolii non deponeret,¹⁴⁾ Graniumque decurionem Puteolanum, officium recusantem, pridie ante mortem strangulaverit.¹⁵⁾ Quo in secessu vita defunctus^{15a)} Romaeque ingenti cum honore sepultus est.

De M. Aemilio Lepido, utpote neque ingenio neque rebus gestis cum Sulla comparando, veteres parcius scripserunt. Quamquam Saturnini, Marianorum antesignani gener erat, tamen ad Sullam ex Asia reducem transiit, proscriptorumque bona cupide comit. Dein Siciliam ex praetura provinciam adeo vexavit, ut repetundarum iudicium po-

¹³⁾ Plutarchus in vita Sullae. 34. 37. Valerius Max. IX, 3.

¹⁴⁾ Tacitus histor. III, 72. Valer. M. IX, 3. Plinius VII, 44.

¹⁵⁾ Plutarchus l. c. Valerius M. ib.

^{15a)} De morbi genere quaeritur. Beck Anleitung zur Welt- und Völkergeschichte. 1788. vol. 2do eum „venero“ morbo perisse putat, novi quid proferens.

puli gratia vix effugerit.¹⁶⁾ Nihilo tamen minus consul creatus est, idque, si Plutarcho fides habenda, favente Pompeio, Sulla invito atque praesente.¹⁷⁾ In consulatu autem obstiit, ne Sullae exsequiae perficerentur: sed, adversante iam ipso Pompeio, frustra. Dein acta Sullae rescissurus bellum civile movit, sed a Catulo et Pompeio victus in Sardiniam traiecit ibique in casa rustica morbo periit.¹⁸⁾

III. His utriusque viri rebus gestis breviter expositis, adituque quasi patefacto ad ipsam orationem transeo.

De Sallustii sermone et orthographia¹⁹⁾

¹⁶⁾ Cujus rei testis est Asconius ad Ciceronis in Verrem II, 2.

¹⁷⁾ Plutarchus in Sulla 34. in Pompeio 15.

¹⁸⁾ Praecipui praeter veteres de Lepido auctores sunt: Reiffius *Gesch. der röm. Bürgerkriege*. 1825. II, 41—64. — Drumannus *cit. in vita Pompei*.

¹⁹⁾ Unde factum sit, ut quisque fere scri-

ex duobus, quos dixi, vaticanis codicibus et alio historiae sallustianae fragmento nuper Romae invento,²⁰⁾ nunc certius iudicium ferri potest. Eorum enim scriptura documento est: „horridiorem primitus sallustianum sermonem fuisse, eandemque quam „Catonis Origines asperitatem retulisse.“²¹⁾ Quapropter iis, quae praesto erant, adnuculis usus, novissimas editiones secutus sum, oratione in „paragraphos,“ quae videbantur, partita: quae vero de rebus et lectionibus admonenda erant, in margine apposui.

ptor romanus peculiari orthographia uteretur, vide sis apud Handium *Lehrbuch des lat. Styls*. 1839. pag. 98.

²⁰⁾ Ad Spartaci bellum pertinet.: C. Sall. *Cr. historiarum libri III. fragm.* edita ab A. Maio. Edit. auctior et emendatior, curante Kreyssigio. 1830.

²¹⁾ Gerlachio teste, III. pag. 18. Qua in re sane docendum est, codices in scribendo sibi minus constare. id.

ORATIO LEPIDI CONSULIS AD POPULUM
ROMANUM.

§. I. Clementia et probitas vestra, Qui-
rites, quibus per ceteras gentes maximi et
clari estis, plurimum timoris mihi faciunt
advorsum²²⁾ tyrannidem L. Sallae: ne, quae
ipsi nefanda aestumatis, ea parum creden-
do de aliis circumveniamini: — praesertim
quom illi spes omnis in perfidia atque sce-
lere sit, neque se aliter tutum putet, quam
si peior atque intestabilior²³⁾ metu vestro²⁴⁾

²²⁾ Haesitaverunt in hac locutione interpretes:
res tamen plana. Iug. 105. timor aliquantus,
sed spes amplior, quippe victoribus, et advor-
sum eos, quos saepe vicerant. Iug. 43. advor-
sum divitias invictus.

²³⁾ Haec voce, in legibus XII. tabularum ob-
via (Gellius N. A. VI, 7.) Sallustius usus est in
Iug. cap. 67. Usurpatur de homine improbo ma-
lisque artibus dedito. Kritze ad. I. Iug. cit.

²⁴⁾ Dureau de Lamelle interpretatur:
„espèce d'ablatif absolu: la crainte étant votre lot.“
Corte: „peior, quam vos timetis.“ Burnouf:

fuert, quo captivis²⁵⁾ libertatis curam mi-
seria eximat: — aut si provideritis, in vi-
tandis²⁶⁾ periculis magis, quam ulciscendo
teneamini. §. 2. Satellites enim eius, ho-
mines maximi nominis, optimis maiorum
exemplis, nequeo satis mirari, qui domina-
tionis in vos servitium suam mercedem dant,
et utrumque per iniuriam malunt, quam op-
tumo iure liberi agere: praeclara Brutorum
atque Aemiliorum atque Lutatorum proles,
geniti ad ea, quae maiores virtute peperere,
subvertenda!²⁷⁾ Nam quid a Pyrrho, Han-
nibale, Philippoque et Antiocho defensum est
aliud, quam libertas et suae cuique sedes:

„metum vestrum sceleribus superavit.“ Ablativum
instrumenti esse, verba docent §phi 3ae: dum vos
metu gravioris serviti a repetenda libertate terremini.

²⁵⁾ Ita vaticamus uterque: editis: „captis“.
Burnouf interpretatur: „vobis, qui capti estis:“
corrige „eritis“, nam de futuro periculo timet Lepidus.

²⁶⁾ Alii „tutandis“: haud male. Caesar B.
C. I, 52. tutari inopiam. Sed obstant libri.

²⁷⁾ Hoc ad Lepidi collegam et ad consules
sequentis anni, D. Brutum et Mamerum Aemilium
Lepidum Livianum pertinere videtur. Gerlach.

neu cui nisi legibus pareremus? §. 3. Quae cuncta scaevus iste Romulus ²⁸⁾ quasi ab externis rapta tenet, non tot exercituum clade ²⁹⁾ neque consulum ³⁰⁾ et aliorum principum, quos fortuna belli consumpserat, satiatus ³¹⁾

²⁸⁾ Vaticanus II. et editis: „saevus.“ Haud male; nam saevitia a fratris percussore non aberat, solumque Romuli nomen, ob regni odium, libera republica, invisum erat. Ita Piso apud Plutarchum (in Pomp. 25.) Pompeio minatur: ὅτι Ῥώμυλον ζῆλων οὐ φείξεται πάντων ἐκείνῳ τέλος. Sed praestat nostrum, quod Vatic. I. exhibet. Servius quoque vocem; „perverse Menalia“ in Virgil. eclog. III, 13. explicans, addit: „Sic Sallustius: scaevus iste Romulus.“ Igitur est: non felix, quem se praedicit, sed scaevus: non conditor, sed eversor. Sulla enim, finibus imperii non prolatis, pomerium urbis protulerat. Gellius II, 14. Tacitus Ann. XII, 23. — Eadem ratione apud Suetonium. Tib. 59. „felix sibi, non tibi, Romule, Sulla.“ —

²⁹⁾ Victoriae Sullanae in comparatione Sullae cum Lysandro enumerantur cap. 4.

³⁰⁾ Carbonis, Marii filii, Norbani consulum. Gerlach.

³¹⁾ Appianus in bello civ. I, 103. ad duo fere millia senatorum et equitum a Sulla proscripta refert.

sed tum crudelior, quom plerosque secundae res in miserationem ex ira vortunt. Quin solus omnium post memoriam hominum ³²⁾ supplicia in post futuros composuit, quis prius iniuria, quam vita certa esset, ³³⁾ pravissimeque per sceleris immanitatem adhuc tutus fuit, ³⁴⁾ dum vos metu gravioris serviti a repetunda libertate terremini. §. 4. Agendum atque obviam eundum, Quirites, ne spolia vestra ³⁵⁾ penes illos sint: non

³²⁾ Libri ms. solum „humani“ habent. Quod cum nihili sit, vel cum Orellio adde: „generis“ vel lege: „hominum“. —

³³⁾ Id Plutarchi loco explicatur, qui (in Sulla 31) haec: τῶν γὰρ προσγεγραμμένων ἤτιμωσε καὶ υἱοὺς καὶ υἰωνοὺς καὶ τὰ χρήματα πάντων ἐδήμευσε.

³⁴⁾ Ita libri. Curtius aliique: „furit.“ At Lepidus Sullam astutiae arguit atque perfidiae, quae non sunt furentis.

³⁵⁾ Sall. lug. 84. At Marius — dictitare sese consulatum ex victis illis spolia cepisse. Plut. Crass. 2. Σύλλας ἐπώλει τὰς οὐσίας τῶν ἀνηρημένων ὑπὲρ αὐτοῦ, λάφυρα καὶ νομίζων καὶ ὀνομάζων.

prolatandum neque votis paranda auxilia: nisi forte speratis taedium iam aut pudorem tyrannidis Sullae esse et cum per scelus occupata periculosius dimissurum. At ille eo processit, ut nihil gloriosum nisi tutum et omnia retinendae dominationis ³⁶⁾ honesta aestumet. Itaque illa quies et otium cum libertate, quae multi probi potius quam laborem cum honoribus capessebant, nulla sunt. ³⁷⁾ Hac tempestate serviundum aut imperitandum, habendus est metus aut faciendus, Quirites. Nam quid ultra? quaeve humana superant aut divina impolluta sunt? Populus romanus, paullo ante gentium moderator, exutus imperio gloria iure, ^{37a)} agi-

³⁶⁾ Burnouf supplet: „causa.“ Perperam. Sall. Catil. 6. regium imperium conservandae libertatis fuerat.

³⁷⁾ Intellige: non sunt. Ita Catil. 29. „nulli earum rerum consuli ius esse;“ ubi videris Kritzius.

^{37a)} Ad imminutam comitorum potestatem pertinet; nempe ius pontificum creandorum, rerum capitalium iudicium, legumque sanctionem iis ademerat. Göttingius. l. c. §. 150.

tandi inops ³⁸⁾ despectusque ne servilia quidem alimenta reliqua habet ³⁹⁾ Sociorum et Lati magna vis civitate pro multis et egregiis factis a vobis data per unum prohibentur ⁴⁰⁾ et plebis innoxiae patrias sedes occupavere pauci satellites ⁴¹⁾ mercedem scelerum. Leges iudicia aerarium, provinciae reges ⁴²⁾

³⁸⁾ Agitare Sallustio interdum idem est, quod „vivere.“ Iug. 18. propius mare agitabant. Gerlach.

³⁹⁾ Servorum vita et alimenta tunc temporis ex dominorum arbitrio pendebant. Cato de re rust. 56—58. Quare de certa mensura hic ne cogita. Servilia alimenta mihi sunt vilissima. Ad leges cornelias de sumptu alludit Lepidus.

⁴⁰⁾ Nempe Lucania, Campania, Apulia, Bruttium, Etruria, Samnium totae vel partim punitae et Latii pars. Niebuhr. Vorlesgn. cit. I, 153. Götting. cit. §. 149.

⁴¹⁾ Quos paucos vocat Lepidus Livio (epit. 89.) sunt XLVII legiones; Appiano (bell. civ. I, 100.) XXIII legiones, alioque loco (ib. I, 104.) CXX millia legionariorum.

⁴²⁾ Sic collegae Metello Hispaniam provinciam, Pompeio Africam, Alexandro II. Aegyptum permiserat. App. I, 102.

penes unum, denique necis civium et vitae licentia. ⁴³⁾ Simul humanas hostias vidistis et sepulera infecta sanguine civili. ⁴⁴⁾ Estne viris reliqui aliud, quam solvere iniuriam ⁴⁵⁾ aut mori per virtutem? quoniam quidem unum omnibus finem natura vel ferro saeptis dedit, neque quisquam extremam necessitatem nihil ausus nisi muliebri ingenio expectat. §.5. Verum ego seditiosus, ut Sulla ait, qui praemia turbarum queror et belli cupiens, qui iura pacis repeto. Scilicet, quia non aliter salvi satisque tuti in imperio eritis, nisi Vettius Picens et Cornelius scriba ⁴⁶⁾ aliena

⁴³⁾ Eandem potestatem Sullae dictatori tribuit Plutarchus (in Sulla, cap. 33.).

⁴⁴⁾ M. Gratidianum, praetorium, ad sepulcrum Q. Catuli, a Marianis olim caesi, detractum, diuque cruciatum, ut per singula membra moreretur, Catilina ad extremum necavit. Livii ep. 88. Orosius V, 21.

⁴⁵⁾ Interpretes asserunt: Phaedri IV, 33. solvere errorem. Liv. I, 94. solvere morem. Ovid. Fast. V, 303. solvere iniuriam poenis.

⁴⁶⁾ De Vettio nihil certi constat: Cornelius ille Chrysogonus videtur esse, qui Roscium Amerinum spoliavit.

bene parata ⁴⁷⁾ prodegerint, nisi approbari-
tis omnes proscriptionem innoxiorum ob di-
vitiis, ^{47^a)} cruciatu virorum illustrium, va-
stam urbem fuga et caedibus ⁴⁸⁾ bona ci-
vium miserorum, quasi cimbricam praedam
venum aut dono datam. ⁴⁹⁾ At obiectat
mihi possessiones ex bonis proscriptorum;
quod quidem scelerum illius vel maximum

⁴⁷⁾ Ita Vat. I. Vat. II. habet „parta.“ Utrum-
que a Sallustio non alienum. Kritze ad Jug. 31, 17.
sed parata in antiquis formulis invenitur, ideoque
Sallustio arridebat; facileque in usitatus „parta“
mutari potuit.

^{47^a)} Cuius rei exemplum unum sufficit. Plut.
Sulla 31. *Κοίντος δὲ Αὐρήλιος, ἀνὴρ ἀπράγ-
μων- εἰς ἀγορὰν ἐλθὼν, ἀνεγίνωσκε τοὺς προ-
γεγραμμένους· εὐθὺς δὲ ἐαντόν· οἱμοὶ τάλας,
εἶπεν, διώκει με τὸ ἐν Ἀλβανῷ χωρίον· καὶ
βραχὶ προελθὼν- ἀπεσφάγη.*

⁴⁸⁾ Urbis post Sullam ruinas passim testantur
veteres. De qua re vide sis Hirtium in: Gesch. der
Bankunst, parte I.

⁴⁹⁾ Plut. Sulla 33. *τὰς δὲ διαπράξεις
τῶν δεδημιωμένων οἴκων οὕτως- ἐποιεῖτο- δε-
σποτικῶς- ὥστε τῶν ἀφαιρέσεων ἐπαχθεστέρως
αὐτοῦ τὰς δορεὰς εἶναι vel.*

est, non me neque quemquam omnium satis tutum fuisse, si recte faceremus. ⁵⁰⁾ Atque illa quae tum formidine mercatus sum pretio soluto, iure dominis tamen restituo, ⁵¹⁾ neque pati consilium est ullam ex civibus praedam esse. Satis illa fuerint, quae rabie contracta ⁵²⁾ toleravimus, manus conserentis in-

⁵⁰⁾ Lepidus, Siciliae depraedator, innocentiam suam mihi frustra praedicat. Niebuhrus (cit. 525.) fidem fecisse miror. — Effrenatam principum avaritiam Cato Ptolomaeum edocuit: tota, inquit, Aegyptus tua in argentum mutata eos non satiabis. Plut. Cato M. 35.

⁵¹⁾ Haerent editores in distinguendo. Edit. Antwerp. 1564. „pretio, soluto iure, dominis.“ Orell.: „pretio soluto, iure, dominis.“ Corte: „pretio soluto: iure dominis.“ Res plana est. Lepidus fatetur, se vi coactum aliena bona iniuste secuisse, et pollicetur, se haec dominis restitutum iure, quamquam pretio ex sua re soluto. Itaque „iure“ est: pro iure, uti res atque ius postulat. Iug. 14. dum Carthaginienses incolumes fuere, iure omnia patiebamur.

⁵²⁾ Hanc lectionem pro aliorum „contacta“ exemplis ex Plauto, Cicero, Livio bene tuetur Haevercampius apud Frotscherum: Commentt. in Sall. III, 23.

ter se romanos exercitus et arma ab externis in nosmet vorsa. Scelerum et contumeliarum omnium finis sit. Quorum adeo Sullam non poenitet, ut et facta in gloria numeret, et, si liceat, avidius fecerit. ⁵³⁾ §. 6. Neque iam quid existumetis de illo, sed quantum audeatis vereor: ne alius alium principem exspectantes antecapiamini; ⁵⁴⁾ non opibus eius, quae fuitiles et corruptae sunt, sed vostra socordia, quam raptum ⁵⁵⁾ ire licet ei, quem audias tam videri felicem. ⁵⁶⁾

⁵³⁾ Plut. Sulla 34. ἀπολογισμὸν ἐν ἐκκλησίᾳ τῶν πράξεων ποιούμενος - πέρας ἐκέλευσεν ἑαυτὸν ἐπὶ τούτοις Ἐὐτυχῆ προσγορεύεσθαι.

⁵⁴⁾ Antecapi est falli, decipi. Gerlach ad h. l.

⁵⁵⁾ Ita libri. Rapere enim interdum idem est quod capere atque diripere. Liv. VI, 23. castra rapere.

⁵⁶⁾ Locus corruptus, in quo editiones titubant. „Quam“ pronomen est. Neque „audias“ in „audeat“ mutato, coniungendum: „capiamini ante — quam;“ quae imitatio neque sallustiana est, neque sensum habet. Quid enim hoc est: vereor, ne capiamini, ante quam ei licet captum ire? — Lectio incertissima. Editiones pleraeque, ut puta Bipont: „quam

Nam praeter satellites commaculatos quis eadem volt? aut quis non omnia mutata praec-

captum ire licet, et quam audeat tam videri felicem.“ Burnouf in verbis: „tam felicem, quam audeat“ ironiam videt, et lusum in verbo „felicem,“ atque interpretatur: „vereor ne vos ante capiamini, quam ille capiatur, et tunc eum videri tam felicem, quam audeat (vel audax sit); quasi Lepidus dicat: Sulla se felicem dici vult; licet eum vobis sic felicem reddere, ut sua audacia esse promeruit.“ Gronovius haec suadet: „Ne — ante capiamini, — quam captum ire libeat, et quantum audebitis tum videri felicibus.“ Vaticanus uterque: „quam raptum iri licet et quam audeas (vatican. 2. audias) tum videri felicem.“ Orellius 1831. „raptum ire licet ei, quem haud pudeat tam v. f.“ Idem 1840: „raptum iri l. ei, quem audias tum v. f.“ Prior Orelli lectio a literarum ductu nimis recedit: altera sensu caret. Illud enim „tum“ nihili est: atque „audias“ hic neque pro optativo neque pro futuro sumi potest. Sallustium de Sulla, iam dudum felicis cognomine appellato, scripsisse putes: si rapiet vestram socordiam, opto tum audias, (sive: tum audies) hunc felicem esse? Quod ego posui, sic intellige: vereor, ne fallamini vestra socordia, qua per vos abuti licet Sullae, quem solus rumor tam felicem facit. Utut est, locus sagaciorum interpretum desiderare videtur.

ter victoriam? Scilicet milites: quorum sanguine Tarulae Seyrtoque, pessimis servorum, divitiae partae sunt;⁵⁷⁾ an, quibus praelatus in magistratibus Fufidius, ancilla turpis,⁵⁸⁾ honorum omnium dehonestamentum?⁵⁹⁾ Itaque maximam mihi fiduciam parit victor exercitus, cui per tot vulnera et laboris nihil praeter tyrannum quaesitum est. Nisi forte tribuniciam potestatem evorsum profecti sunt per arma, conditam⁶⁰⁾ a maioribus suis, uti-

⁵⁷⁾ De his nihil inveni. Instrumenti novis colonis praebendi conductores fuisse videntur.

⁵⁸⁾ Confer, si lubet, Cicer. ad Atticum I, 14. „totus ille grex Catilinae, duce filiola Curionis — rogabant;“ ibique interpret.

⁵⁹⁾ Centurio Fufidius a Sulla in senatum lectus, (Oros. V, 21.) hunc hortatus esse dicitur, ut nomina hostium proponeret. Drumann. cit. II, 471.

⁶⁰⁾ Utrum post „sunt,“ an post „arma“ distinguendum sit, quaesitum est. „Per arma conditam“ historiae non repugnat. Nam Cicero (de legib. III, 8.) ipseque Sallustius alio loco (fragm. histor. apud Burnouf cit. pag. 347.) tribunatum inter arma obsessisque urbis locis ortum dicunt. Sed sensus nostram distinctionem requirit. Lepidus enim non de

que ⁶¹⁾ iura et iudicia sibi extorquerent; egregia scilicet mercede, quum relegati in paludes et silvas ⁶²⁾ contumeliam atque invdiam suam, praemia penes paucos intellegerint. §. 7. Quare igitur tanto agmine atque animis incedit? ⁶³⁾ quia secundae res mire sunt vitiis obtentui: quibus labefactis, quam formidatus est, tam contemnetur; — nisi forte specie concordiae et pacis, quae sceleri et parricidio ⁶⁴⁾ suo nomina indidit. Neque ali-

tribunatus origine disputat, sed persuadere vult populo, profectionem militum documento esse, eos armis renuntiasse, neque per arma eversuros tribunatum, a maioribus conditum, ideoque sacrum atque sanctum.

⁶¹⁾ Vatican. I. „itaque.“ Sed: „profecti sunt evorsum, — itaque — iura extorquerent“ barbarum est.

⁶²⁾ Aliis testibus conditio Sullanorum initio longe alia fuit. Cicero Cat. II, 9. „homines ex iis coloniis, quas Sulla constituit: — dum praediis, lecticis, familiis magnis, conviviiis apparatus delectantur, in — aes alienum inciderunt.“

⁶³⁾ De hoc Appianus Civ. I, 100. *πελέκεις γὰρ ἐφέροντο πρὸ αὐτοῦ οἷα δικτάτορος, ἔλκοσι καὶ τέσσαρες καὶ φυλακὴν τοῦ σώματος περιέθετο πολλήν.*

⁶⁴⁾ Parricidium dicitur de omni caede, qua

ter rempublicam et belli finem ait, ⁶⁵⁾ nisi maneat expulsa agris plebes, praeda acerbissima, ius iudiciumque omnium rerum penes se, quod populi romani fuit. §. 8. Quae si vobis pax et composita intelliguntur, maxima turbamenta reipublicae atque exitia probate, annuite legibus impositis, accipite otium cum servitio et tradite exemplum posteris ad rempublicam suimet sanguinis mercede circumveniendam. Mihi quamquam per hoc summum imperium satis quaesitum erat nomini maiorum, dignitati atque etiam praesidio, tamen non fuit consilium privatas opes facere, ⁶⁶⁾ potiorque visa est periculosa li-

etiam religio pietatis aut aliorum officiorum violatur: parricida civium. Catil. I, 12. Ernesti clavis Cic.

⁶⁵⁾ Ita libri ms. Corte: „reipublicae esse belli finem;“ quod ductu non multum distat (R P et — R P ã): sed praesens pro futuro positum offendit. Orellius quoque (1831.) hunc locum corruptum putat. Certe nimia brevitate laborat; vix enim comparare licet Ciceronem pro Mil. 23. verbis: multi etiam Catilinam et illa portenta loquebantur.

⁶⁶⁾ Locutio teste Seneca in ep. 114 Sallustio propria. Gerlach.

bertas quieto servitio. Quae si probate, adeste, Quirites, et bene iuvantibus dis ⁶⁷⁾ M. Aemilium consulem ducem et auctorem sequimini ad recipiendam libertatem. ⁶⁸⁾

IV. Hac itaque in oratione multa fortiter dicta sunt magnaque cum animi constantia, sed ea quae iure mirari possis.

Primum enim ipsa res satis nova videtur. Nam Lepidus hac oratione tribus nominibus reus erat: primum, quod concionem sua sponte convocasset: dein quod contra magistratum superiorem egisset, et denique, quod populum romanum ad arma vocasset; quae omnia ex lege cornelia maiestatis, ab ipso Sulla lata, capitalia erant. ⁶⁹⁾ Qui igitur,

⁶⁷⁾ Vatican. I., divis., "Vatican. II. dis, quod Sallustio usitatus. Iug. 85. „iuvantibus dis.“

⁶⁸⁾ Libertas saepe ponitur pro iure Quiritium. Sigonius de antiq. iure Romanor. I, 6. — Cicero de rep. III, 14.

⁶⁹⁾ Hoc fusius explicaverunt: Götting. cit. §§. 149. et seq. — Drumann. cit. II. pag. 487. et sq.

quaeso, factum est, ut Lepidus, populo ad arma vocato, Sullae ultionem effugerit? At, dices, Sullae potentia iam imminuta erat, et quem a consulatu repellere non valuit, eundem Lepidum post hanc orationem ulcisci non est ausus: cessit populo, dissimulavit, ignovit. His quae respondeam, haec habeo. Sane quidem Sulla non nisi partium et populi gratia valebat, quam dando, largiendo, indulgendo atque civitatis legumque specie captare studebat. Hoc studio ductus, iam ante Lepidum urbem post primam de Marianis victoriam cum exercitu tenens, suis candidatis repulsis, Lucioque Cinna et Cn. Octavio consulibus lectis, laetitiam simulavit quod populus sua libertate usus esset, ⁷⁰⁾ atque dictaturam non iure armorum capere, sed a populo sibi deferri maluit: hac, inquam, ratione, acta sua populo confirmanda dedit, consulesque se dictatore creari passus est, ipseque consulatum petivit. In singulis igitur rebus asseclis suis interdum morigerans, hoc ipso potestatem tuebatur non so-

⁷⁰⁾ Plutarchus in vita Sullae cap. 10.

lum, sed etiam augebat, totamque reipublicae, quam instituerat, formam intactam conser-
vabat. Quare in eligendo Lepido connivens,
nihilo secius partium suarum caput manebat.
Sin vero putas, Sullam non temporibus sa-
pienter usum, sed Pompeianorum vi coactum,
Lepidi consulatui indulsisse; tamen videbis,
eum contra solum Lepidum talia molientem,
validissimum fuisse. Omnes enim quos agris
bonis honoribus auxerat, cum eo contra ho-
stem faciebant, qui haec sibi eripere vellet;
a quibus etiam Lepidus postea victus est.
Adde, ex ipsa oratione clarum esse, nihil ad-
huc pristinae potentiae de Sulla detractum
fuisse, quare non erat, quod vulpeculam hac
in re potius, quam leonem ageret. Huc acce-
dit Sullae animus ad ultionem propensus, ab
aevi gentisque vitis non alienus.⁷¹⁾ Cor-

⁷¹⁾ De Sullae moribus atque indole varie iudicatum est. Zachariae cit. pag. 164. sq. In transitu temeritatem nota Fassolii (breve restritto della storia romana 1819.), qui haec blaterat: „finalmente renunzio la dittatura perpetua che gli fu offerta: ed a questo solo punto si reduce il bene, che piu dirsi di questo illustre scelerato.“

nelia enim gens exempla dederat animorum plus quam civilium,⁷²⁾ contemptus legum et populi,⁷³⁾ doli atque crudelitatis,⁷⁴⁾ quin dictaturae perpetuae a populo oblatae atque recusatae.^{74a)} Sulla igitur gentis populi que vitia repraesentasse videtur, sed mirum in modum aucta. Superstitione enim romana imbutus, tamen, nimiae felicitatis quasi iure fretus, seque iure divino iuxta atque humano

⁷²⁾ Africanus maior animi plus quam civilis accusatus est. Gellius IV, 18. — Confer, si lubet, Livium 28, 40.

⁷³⁾ Uterque Scipio, ne rationes belli Antiochici redderentur, recusavit. Livius 38, 55. — Scipio quidam civis rustici manum callosam prensans, eum interrogavit, num manibus ire soleret? ob eamque petulantiam repulsam tulit.

⁷⁴⁾ Africanus fraude, non ut maiores virtute, victoriam quaerens, cum Massinissa, Carthaginiensium socio pepigit, ut in ipsa pugna ad se transiret. Liv. 29, 34. Idem quadringentis Hispanis nobilibus manus abscedit, quos Numantinis favere suspicabatur. Appian. Hisp. VI, 94.

^{74a)} Livio 38, 5. et Valerio Max. IV, 1. testibus.

solutum putans, deorum templa spoliabat,⁷⁵⁾ legesque a se datas ipse violabat⁷⁶⁾ admodumque perfidus,⁷⁷⁾ hac perfidia sicut deorum dono gloriabatur.⁷⁸⁾ In hostes implacabilis, ut Romanus, iure victoriae abusus est, ut nemo ante eum, privatasque iniurias sicut publicas ulcisceretur⁷⁹⁾ atque inermium

⁷⁵⁾ Cum Apollinis delphici thesauros sibi deferri iussisset, atque sonum ex adyto auditum esse, renuntiaretur; respondit: mirari se, neminem intellexisse, gaudens esse, non indignantis dei cantum. Plut. Sulla 12.

⁷⁶⁾ Plura de hoc apud Drumannum cit. II, 507. sq.

⁷⁷⁾ Duo exempla sufficient. Servo, qui dominum prodiderat, propositum praemium persolvit; dein proditione reprehensum de saxo praecipitavit. — Tribus millibus Antematium impunitatem promisit, si commilitonibus caesis ad se transirent, eosque re perfecta interemit. Plut. Sulla 10. 30.

⁷⁸⁾ Valer. Max. VIII, 14.: Sulla traditione Iugurthae semper signavit.

⁷⁹⁾ Libertinum, qui plaris quam ipse in eadem domo habitaverat, rerum potitus interemit. — Athenienses ob quaedam convicia in se et uxorem crudelissime ultus est. Plut. Sulla 1. 6. 13.

millia quasi ludibundus caedebat.⁸⁰⁾ Verum aliquoties privatam ultionem enixis amicorum precibus condonavit⁸¹⁾ sed iis, qui legibus suis tanto sanguine scriptis refragabantur, nunquam pepercit. Ita Lucretium Ofellam, qui Praeneste acerrimum Sullae hostem ceperat, contra cornelias leges consulatum petentem, indicta causa in foro trucidare iussit, populoque cui alias ludis atque epulis blaudiebatur⁸²⁾ hanc caedem frementi, suasit, ut.

⁸⁰⁾ Plutarch. Sulla 32. *εἰς Πραηνεστὸν ἔλθων- ὡς οὐ σχολῆς οὔσης, πάντας ἀθρόως εἰς τὰντὸ συναγαγὼν, μυρίους καὶ διςχιλίους ὄντας, ἐκέλευσεν ἀποσφάττειν.*

⁸¹⁾ Velut in Caesaris venia. Sueton. Caes. I. Semper cum ludibrio quodam parcebat, vel ita ut venia uti non liceret. Ita quum Alaei quidam, quorum urbem deleverat, pisces obtulissent, hos deprecatores optimos dixit. — Omnes Praenestinos ulturus, soli hospiti parcere voluit: qui hanc infamiam recusavit. Plut. Sulla 26. 28. Inveni autem post abdicationem sibi maledicenti, (Appian. civ. I, 105.) parcere debebat, ne in odium simulatae modestiae incurreret.

⁸²⁾ Plutarchus Sulla 35. Appian. civ. I, 99.

si salvi esse vellent, tacerent.⁸³⁾ Hic idem Pompeium, populari gratia nimis elatum, quod potuit, moriens ultus est, eumque testamento neque heredem neque liberis tutorem scripsit.⁸⁴⁾ Hunc itaque virum, in iracundia vehementem⁸⁵⁾ magnaue potentia instructum, Lepido caput petenti legibusque Corneliis exitium minitanti pepercisse putes? praesertim cum quindecim fere annis post C. Caesar sine satellitibus, adversis optimatibus, quaestorem Novium ob solum imminutum magistratum in carcerem coniecit?⁸⁶⁾

Altera dubitatio de tempore est. Nam si L. Sulla, quod veteres narrant,⁸⁷⁾ anno ante

⁸³⁾ Plutarch. ib. 33. Appian. ib. 88. 94.

⁸⁴⁾ Plutarch. in Pompeio cap. 15. et in Lucullo 4.

⁸⁵⁾ Cicero Phil. II, 1. C. Marius in ira perseverans, L. Sulla vehemens.

⁸⁶⁾ Sueton. Caes. 17. coniecit in carcerem Novium quaestorem, quod compellari apud se maiorem potestatem (ipsum Caesarem consulem) passus esset.

⁸⁷⁾ Appianus de bello civ. I, 105.

Lepidi consulatum a dictatura se abdicavit; haec oratio a Lepido consule in Sullam dictatorem dici non potuit.

V. Has in quibus ego haerebam difficultates ab aliis iamdudum explanatas esse ratus, spe in uno alteroque frustratus, omnes deinceps quos potui libros evolvi.

Sed historici, qui res vel totius humani generis communiter amplexi sunt vel unius populi romani historiam scripserunt, nihil fere narrant, nisi, Lepidum vivo adhuc Sulla vel mox post abdicationem consulem creatum eius acta rescindere voluisse.⁸⁸⁾ Perpauci,

⁸⁸⁾ Rollin histoire ed. 1818. VIII, 312. — Crevier hist. rom. 1776. X, 331. — Ferguson history of the roman rep. 1783. III, 1. — Levesque histoire critique de la républ. rom. 1807. II, 454. — Catrou et Rouillé hist. rom. 1730. XV, 258. — Vertot hist. des révol. de la rép. rom. ed. 1819. III, 125. — Nieuport historia reip. et imp. rom. 1723. II, 303. — Buchholz philos. Untersuchungen über die röm. Gesch. 1819. II, 182. — Ségur histoire rom. 1825. II,

qui hanc orationem memorant, eam sine ulla dubitatione inter cetera Sallustii scripta referunt.⁸⁹⁾ Eundem exilem fructum ex literarum historiis atque ex commentariis de Sullae tempore,⁹⁰⁾ vel de Sallustii scriptis percepi.⁹¹⁾ Versionum quoque auctores nihil auxilii attulerunt.⁹²⁾ Quocirca eos adii, qui de his Sallustii fragmentis peculiari studio disseruerunt.

Hi varias atque diversas sententias protulerunt, quarum summa haec est.

131. — Kobbe röm. Gesch. 1841. II, 160. — Fiedler Gesch. der Römer. 1836. pag. 225. —

⁸⁹⁾ Utpote Rollinus, Kobbe, Segur, Reifius, Niebuhrius Vorlesg. cit. pag. 525.

⁹⁰⁾ Utpote Baehrius et Fuhrmannus cit. — Zachariae vero in libro cit.: Sulla als Ordner des röm. Freistaats; Erschius et Gruberus in Lepido, de hac oratione ne verbum quidem faciunt.

⁹¹⁾ Utpote ex libro Mülleri C. Sall. Cr. oder historisch-kritische Untersuchung der Nachrichten von seinem Leben, der Urtheile über seine Schriften und der Erklärung derselben. 1817.

⁹²⁾ Utpote versiones Rollini, Reifii et Kobbe.

Fuerunt, qui hanc orationem eam putarent, qua Lepidus consilia sua populo significaret potius, quam declararet;⁹³⁾ neque populum ad manifestam vim vocaret, sed per ambages, ut sibi fiderent, seque auctore acta Sullae rescinderent, exhortaretur.⁹⁴⁾

Douza⁹⁵⁾ recti quodam sed admodum vago sensu ductus, haec disputat: „Omnium scriptorum narratio, „Sullam anno, qui hunc Lepidi consulatum antecessit, dictaturam deposuisse, non iniuria falsa videri potest ex hac oratione, in qua de abdicatione dictaturae verbum nullum, de dominatione aucta sermo multus. Tamen verisimile non est, Sulla rempublicam tractante locum adeo liberae orationi in urbe concessum fuisse, si tamen publi praesenti in concione habita

⁹³⁾ Haec Rollini sententia est, qui (l. c. VIII, 312.) „sans se découvrir entièrement, il fait néanmoins suffisamment entendre, quelles sont ses vues.“

⁹⁴⁾ Hoc Reifio arridet l. c. pag. 48.

⁹⁵⁾ Apud Frotscherum, tom. III. pag. 14.

fuerit, ex more romano. Quo magis in eam sententiam inclinat animus, ut credam, deposita quidem a Sulla dictatura, haec verba M. Aemilium consulem ad Quirites fecisse: sed deposita modo titulo tenus, Sullaque dictaturae potentiam per idoneos homines retinente.^{95a)} In hos igitur potius, quam in Sullam magnam harum invectionum partem convenire persuasum mihi est: eique sententiae non minimam fiduciam tribuit iterata in hac ipsa oratione satellitum sullanorum mentio, quos ille, dum dictator fuerat, — ditatos — ad summos honores extulerat. Hi pro Sullae actis — haud sequius, quam pro aris et focis nitebantur.“

Brossius⁹⁶⁾ aliam sententiam tuetur: Lepidum hanc orationem non in consulatu habuisse, ante quem Sulla mortuus sit; sed consulem designatum atque sine ullo du-

^{95a)} Eandem fere sententiam tuetur Fabri in edit. Sallustii. 1831.

⁹⁶⁾ Histoire de la république romaine. Dijon 1777. I, 341. (par de Brosses.)

bio in privato asseclorum coetu. Allocutionem enim Quiritium tam late non patere, ut ad solum populum pertineat, praesertim cum inscriptio: „Oratio ad populum romanum in genuino libro desit, atque Pomponio Laeto debeatur.“⁹⁷⁾

Burnouf utriusque sententias affert, Brossio potius, quam Douzac favens. „Quirites autem contendit appellari potuisse, honoris causa, etiam in privatam domum congregatos homines. Nam factiosos, quantumlibet paucos, se totum esse populum facile sibi persuadere.“⁹⁸⁾

⁹⁷⁾ Quae ut melius intelligantur ipsius Brossii verba subscripsi: „Il est plus que probable, que Lévide tint ce discours dans une assemblée particulière de ses partisans et non — au peuple assemblée — comme les critiques l'ont cru mal à propos: peut — être trompés par l'expression Quirites, à laquelle ils ont donné trop d'étendue et surtout par l'intitulé: Oratio ad populum romanum. Mais ce titre fait par Pomponius Lactus n'est pas dans le texte original.

⁹⁸⁾ Caius Crispus Sallustius curante Burnouf. 1821. pag. 349.

Gerlachius hanc orationem a consule pro rostris pronuntiatam putat; „designatos enim ius concionandi non habuisse, multaque demonstrare, Sullam etiam tum dictaturam retinuisse. Tamen Appiani, Orosii, Plutarchi et Aurelii Victoris testimonia, quamvis per se parum certae auctoritatis, consensu fidem facere, Sullam anno aut Lepidum et Catulum abdicasse.“⁹⁹⁾

Drumannus ita sentit: „hanc orationem eodem anno recitatam esse, quo Sulla mortuus sit, et quidem a Lepido consule, coram populo romano; cum se ipse consulem dicat et auditores Quiritium nomine appellet.“¹⁰⁰⁾

Postremo sunt, qui „hanc orationem a Sallustio mere effictam putent, ut Lepidi consilia lectoribus significaret: ipsam enim, quamquam pro tempore, loco et rebus aptissime

⁹⁹⁾ Cai Crispi Sallustii quae exstant ed. Gerlach. III. pag. 52. sq.

¹⁰⁰⁾ Drumannus cit. III. 338. sq.

compositam, tamen eiusmodi esse, quae Romae nullo pacto haberi potuerit.“¹⁰¹⁾

VI. De his sententiis satis curiose inquisivi, easque nunc suo ordine percensebo; eo tamen consilio ut potius rem ipsam, de qua agitur, quam singulas scriptorum opiniones examinem.¹⁰²⁾

Primum quidem verum est, Lepidum consilia sua non omni ex parte aperire: attamen hostilem in Sullam animum satis mani-

¹⁰¹⁾ Brossius l. c. haec profert: „On dira peut-être, que cette pièce est purement de l'invention de Salluste: — ce que je crois volontiers de cette pièce, non de beaucoup d'autres: — car elle n'était pas faite pour être rendue publique. — Drumannus l. c. eadem habet: „Sallust leiht ihm aber nur die Worte und gibt in der That nur eine Umschreibung seiner später beantragten Gesetze.“ Ad eandem sententiam inclinant: Reifius et Gerlachius supra citati.

¹⁰²⁾ Quid ex. gr. Drumannum refellam, qui in hac oratione privatam quoque Sullae vitam taxari putat?!

festare intelliges, si tyrannidis perfidiae crudelitatis recorderis, quorum Sulla arguitur, animoque Lepidi cohortationes repetas: „agant, nec votis parent auxilia: iniuriam solvant aut moriantur per virtutem,“ eumque de vi atque armis cogitare, ex evocatione patet: „adsint, seque consulem sequantur ad recipiendam libertatem.“ Orationum autem apud Romanos civilis ratio haec erat, ut senatus rogaretur: „dicentis sententiam (vel auctoritatem) sequerentur;“¹⁰³⁾ populus vero, „ut rem vellent inberent;“¹⁰⁴⁾ neque unquam cives a cive appellati sunt, ut quem ducem sequerentur ad recipiendam libertatem, nisi in trepida re atque repentino tumultu.¹⁰⁵⁾

¹⁰³⁾ Exemplum apud Ciceronem invenies in Phil. I, 7. init.

¹⁰⁴⁾ Brissonius de formulis II, 214. — Varro de ling. lat. VI, 68.

¹⁰⁵⁾ Livius 34, 25. hortatus coniuratos, ut — arma secum caperent — in forum pergit, clamitans, ut qui salvam rempublicam vellent, auctorem et ducem se libertatis sequerentur. — Est vox non civibus, sed in exercitu atque ante pugnam usitata. Caesar de bello civ. III, 91. Crastinus, evocatus,

Nunc iam ea videamus, quae Brossius de privata coniuratione, de Quiritium appellatione atque de inscriptione protulit.

Qui privatam coniurationem parat, primum singulos ipse vel per amicos tentat, idoneos certo die convocat, rem paene contentam breviter explicat, eius gerendae rationem proponit; secum faciant, hortatur; fidem accipit. Hac saltem via atque ratione Catilina suam coniurationem paravit. Quorum Lepidus nihil. Verba enim de Sullae tyrannide facit eamque explicat, velut rem incognitam et nunc primum auditam;¹⁰⁶⁾ omnes coniurationis opes in sola audacia ponit;¹⁰⁷⁾ quid? quod de auditorum consensu

— signo dato, sequimini me, inquit, et vestro imperatori — operam date.

¹⁰⁶⁾ Huius orat. §pho I. Clementia vestra et probitas — plurimum timoris facit, ne parum credendo circumveniamini.

¹⁰⁷⁾ Nostrae §. 5. „Satis illa fuerint, quae — toleravimus.“ §. 6. vereor, ne antecapiamini — vestra socordia. §. 7. quare igitur tanto — animo incedit? quia secundae res — sunt obtentui: quibus labefactis — contemnetur.

ante orationem dubitasse videtur.¹⁰⁸⁾ Eos igitur convocaverat, qui totam rem ignorarent, quorumque consensus admodum dubius esset? Delatores et iudices inter tales auditores non timebat, dum Sullam tremens coniurationem clam parabat?

Quiritium autem appellatio ad solum populum eiusque summum ius refertur,¹⁰⁹⁾ ideoque in solis actibus publicis usurpatur, utputa in populi concione, in implorando civium auxilio et in iure coram magistratu populi romani.¹¹⁰⁾ Singuli igitur cives nunquam Quirites vocantur: non enim populus sunt iure Quiritium rogatus vel imploratus;¹¹¹⁾ quin ne militum quidem concio hoc nomine

¹⁰⁸⁾ §. 6. neque iam quid existimetis — vereor. §. 8. Quae si vobis pax et composita intelliguntur, annuite rel.

¹⁰⁹⁾ Varro de L. L. VI, 68. Götting. cit. 60.

¹¹⁰⁾ Götting. l. c. Haec etiam causa est, cur antiquiores romani singulari huius vocis numero nunquam usi sint. Vide lex. Forcellini.

¹¹¹⁾ Cramer. de iuris Quirit. et civitat.

appellatur, cum deteriore iure sint milites, ac totus populus romanus, cuius iussu ducis imperio parent.¹¹²⁾ Quam ob rem hoc nomen a privatis civibus adeo alienum erat, ut ne Catilina quidem, mortalium audacissimus,¹¹³⁾ apud eundem Sallustium hac sociorum allocutione usus sit.¹¹⁴⁾ Adde, Lepidum cum auditoribus ut cum vero populo agere eosque ceteris populis opponere.¹¹⁵⁾ Quapropter nomen Quiritium hic de populo ad tur-

discrimine 1803. Niebuhrius in histor. rom. I, 326. 471. solos plebeios ita appellatos esse putat, contra quem Göttingius inter alia legis Hortensiae recte meminit: „ut quod plebes statuisset, id omnes Quirites teneret.“

¹¹²⁾ Haec ratione Caesar decumanos minitantes una voce, qua Quirites eos pro militibus appellarat, flexit, ut ei milites esse confestim responderent. Sueton. Caes. 70. ibique Baumgarten-Crusius.

¹¹³⁾ Cicero in Catil. II, 4. 5.

¹¹⁴⁾ Vide Catilinae orationes apud Sallustium capp. 20. et 58.

¹¹⁵⁾ Eos enim clementia sua per ceteras gentes claros esse ait; eos libertatem Latium dedisse. Huius orat. §§. 1. et 4.

bulentam concionem convocato, intelligendum esse puto.

De inscriptione res ita deciditur. Ex duobus, qui supersunt, horum fragmentorum codicibus alter quidem orationem sine titulo habet: alter autem titulum sistit, quem supra posui: „Oratio Lepidi consulis ad populum romanum;“ eundem quem Brossius posthabet. Qui codex quum ex Niebuhrii, huius rei censoris acutissimi, sententia, decimo saeculo scriptus est, ¹¹⁶⁾ haec inscriptio a Pomponio Laeto, quinque fere saeculis recentiore, nullo pacto ementiri potuit. ¹¹⁷⁾

Gerlachius recte quidem ius concionandi a designatis magistratibus abiudicat. ¹¹⁸⁾ Sed primum de iure in Lepido minus quaesiverim, cui bellum civile molienti tanti erat

¹¹⁶⁾ Cuius rei testis est Gerlachius cit. III, 18.

¹¹⁷⁾ Nempe eius Sallustii editio anno 1490. Romae prodit.

¹¹⁸⁾ Götting. cit. 156.

ius concionum violare. Dein Gerlachius oblitus esse videtur, quemcunque privatum concedente magistratu verba in concione ad populum facere potuisse, eiusque rei inde a Iulio Proculo exempla inveniri plurima. ¹¹⁹⁾ Audacem igitur praetorem vel tribunum plebis nactus, Lepidus etiam designatus concionari poterat. Qua in re solus Drumannus rectum vidit: ipsam orationem Brossio obstare, in qua Lepidus se consulem cum summo imperio dicat. „Mihi, inquit (§. 8.), quamquam per hoc summum imperium satis quaesitum erat, . . . tamen potior visa periculosa libertas adeste Quirites et M. Lepidum consulem sequimini ad recipiendam libertatem.“

Iam de satellitibus dispiciamus. Sane quidem pluribus locis nominantur; tamen tota oratio intercedit, quominus cum Donza facianus. Sulla enim solus omnium malorum arguitur; solus libertatem impedire dicitur; hoc uno sublato aequum ius ostenditur. Sa-

¹¹⁹⁾ Göttingius ib.

tellites contra ubique secundo loco ponuntur, quin Sullae servi vocantur et ob exiguum numerum despicatui ducuntur.¹²⁰⁾

Atque re vera Sulla nondum abdicaverat. Orator enim eandem eius potestatem conqueritur legum iudiciorum omniumque rerum, quae a ceteris veteribus Sullae dictatori tribuitur.¹²¹⁾ Sin vero haec oratio post abdicacionem acta est, qui convenit, Lepidum hac de re nihil dicere, validumque perfidiae sullanae argumentum omisisse, Sullam vana abdicacionis specie populum ludificari? rationes actorum civibus, qui vellent, promisisse, et tamen legibus solutum manere? Sed quid

¹²⁰⁾ Orationis §. 2. Satellites enim eius, neque satis mirari, qui dominationis in vos servitium suum mercedem dant. §. 4. plebis patrias sedes occupavere pauci satellites. §. 6. nam praeter satellites commaculatos quis eadem volt.

¹²¹⁾ Plutarchus in Sulla 33. ἐψηφίσθη δ' ἀντὶ-ἐξουσία θανάτου, δημεύσεως, κληρονομίων, κτίσεως, πορθήσεως, ἀφελῆσθαι βασιλείαν καὶ ᾧ βούλοιο χαρίσασθαι.

argumentor? res plana est. Ipse Lepidus Douzam erroris convincet, qui abdicacionem neque fuisse neque unquam futuram esse, affirmat. Hortatur enim populum: „Agendum est, Quirites, neque votis paranda auxilia: nisi forte speratis, taedium iam aut pudorem tyrannidis Sullae esse, et eum per scelus occupata periculosius dimissurum? At ille eo processit, ut omnia retinendae dominationis honesta aestumet.“ — Alioque loco M. Aemilius criminatur: „neque aliter belli finem ait, nisi maneat expulsa agris plebes — ius iudiciumque omnium rerum penes se, quod populi romani fuit.“

Postremo neque illa propius ad veritatem accedunt, quae a nonnullis disputantur, „hanc orationem, quamquam loco, rebus et tempore aptam, tamen tanto cum periculo coniunctam fuisse, ut haberi non potuerit, ideoque merum Sallustii commentum esse.“¹²²⁾ De persona non infitior: verba enim haec

¹²²⁾ Brosse l. c.

neque a Lepidi seditioso et mobili ingenio ^{122 a)} neque ab iis, quae postea molitus est, abhorrent. Sed de loco et tempore his scriptoribus non concedo. Nam si prae metu Sullae haec oratio dici non potuit, hoc ipsum, si quid video, argumentum est, eam neque ad temporum rationem neque ad locum, id est urbem quam Sullani tenebant, aptam fuisse. Non enim satis erat calumniari, Sallustium in historia orationem Lepidi ementitum esse eam, quae neque habitata sit, neque haberi potuerit: vero similes etiam talis mendacii causae atque valida argumenta proferenda erant, quae hanc tantam in tam gravi scriptore levitatem et fraudem viris doctis probarent.

Quibus de causis aliorum sententiis posthabitis, dicendum est: ipsa orationis verba docere, eam Lepidi consulis esse in Sullam

^{122 a)} Suetonius in Caesaris vita cap. 3. Lepidi — societate abstinuit, — ingenio eius diffusus.

adhuc dictatorem ad populum et pro concione agentis.

VII. Itaque recentiorum ope destituti, quod ab initio faciendum erat, iam ad ipsos veteres refugiamus.

Inter hos iam Zonaras exiguum librorum de hoc sullano tempore copiam conqueritur.¹²³⁾ Quanto felicius ille nobis, qui plures libros, quorum usus illi patebat, frustra desideramus,¹²⁴⁾ atque ex disiectis per multa volumina locis non speratam messem, sed tenue spicilegium magno cum labore vix percipimus!

Veterum autem quae ad nos devenere testimonia trifariam dividi possunt. Unum

¹²³⁾ Zonaras in annalibus IX, 31. edit. Bonn. pag. 279.

¹²⁴⁾ Utpote Zenobii librum, qui, teste Suida, Sallustii historias graece reddidit. Bähr. cit. §. 191.

est genus eorum, qui Lepidi conatus et conciones generaliter memorant.¹²⁵⁾

In his Cicero in Catilinam: „Ultus est huius victoriae crudelitatem postea Sulla. Discessit M. Lepidus a clarissimo et fortissimo viro Q. Catulo.“

Dein auctor libri de viris illustribus, qui liber vulgo Aurelio Victori adscribitur, tota de Lepido narratione his verbis perfungitur:

„Lepidum acta Sullae rescindere volentem privatus Italia fugavit Pompeius.“

Denique Florus in epitome sua haec narrat: „Ergo cum Lepidus turbidis concionibus velut classico civitatem terrisset, profectus in Etruriam arma inde admoverat. Sed iam Milvium pontem et Janiculum Catulus et Pompeius insederant. A quibus pulsus, hostisque a senatu iudicatus in Sardiniam recessit.“

¹²⁵⁾ Hi sunt: Cicero in Catilinam III, 10. — (Aurel. Victor) cap. 77. — Florus III, 24.

In his igitur libris ne verbo quidem altercationes inter Sullam et Lepidum fuisse, indicatur. Imo potius testes adsunt alii plures, qui Sulla rempublicam tenente omnia pacata et a discordiis vacua fuisse partim innuant, partim testentur; atque hoc est alterum genus.¹²⁶⁾

Primum enim tribunus plebis Macer in his ipsis historiarum fragmentis haec pro concione agit:

„..... spem frustra fuisse intellexistis. Sulla mortuo, qui scelestum imposuerat servitium, finem mali credebatis. Ortus est longe saevior Catulus. Tumultus intercessit Bruto et Mamercio consulibus.“

¹²⁶⁾ Hi sunt: C. Macer in Sall. histor. fragm. ed. Orelli 1831. pag. 26. — Livii epitome 90. — Sueton. in Caes. 3. — Eutropius VI, 1. — Tacit. ann. III, 27. — Appianus de bell. civ. I, 3. 4. 105. — Iulii Exsuperantii opusculum de Marii, Lepidi ac Sertorii bellis civilibus apud Gerlachium cit. III, 397.

Dein epitomator Livii, quisquis ille fuit, haec habet:

„Sulla decessit honosque ei a senatu habitus est, ut in campo Martio sepeliretur. M. Aem. Lepidus cum acta Sullae tentaret rescindere, bellum excitavit et a Q. Catulo collega Italia pulsus est, et in Sardinia perii.“

Suetonius autem hac de re ita scribit:

„Sullae morte comperta, simul spe novae dissensionis, quae per M. Lepidum movebatur, (Caesar) Romam (ex Cilicia) propere rediit. Et Lepidi quidem societate, quamquam magnis conditionibus invitaretur, abstinuit: quum ingenio eius diffisus, tum occasione, quam minorem opinione offenderat.“

Tum Eutropius, ut solet, satis breviter:

„M. Aem. Lepido Q. Catulo consulibus, cum Sulla rempublicam composuisset, bella nova exarserunt.“

Dein C. Tacitus, civiles Romanorum discordias enarrans, haec refert:

„Ac ne bello quidem italico, mox civili, omissum, quin multa et diversa sciscerentur: donec L. Sulla dictator — otium ei rei haud in longum paravit: statim turbidis Lepidi rogationibus, neque multo post tribunis redita licentia quoquo vellent populum agitando.“

Postremo Appianus duobus locis eadem testatur: primo, in bellorum civilium exordio:

„ὡς δὲ μὲν ἐπὶ βραχὺ ἐλίξαν αἱ στάσεις ἐπὶ Σύλλα· καὶ κακῶν ἀντίδοσις ἦν, ὧν ὁ Σύλλας εἰργάζετο. Μετὰ δὲ Σύλλαν αὐθις ὅμοια ἀνεῳπιζέτο.“

altero, in enarrandis Sullae temporibus:

„ἄρτι δ' ἀποστάσιος ἀγνοῦ Ῥωμαῖοι-
ήσονται πάλιν ἐπιστάσεις ὑπερόπιζοντο ἐτέ-
ρας.“

His denique accedit Iulius Exsuperantius, qui Sallustii historiarum libros in breve compendium redegit, ob eamque causam haud exiguam auctoritatem sibi vindicat. Verba autem eius ob nimiam, cui studet, brevitatem minus clara, cum aliorum narrationibus comparata, rem quam dico, affirmare videntur. Refert enim:

„Sulla cum teneret imperium multas leges ac iura praescripsit. — Huius acta cum conatur Lepidus in suo consulatu subvertere, contra collegam Catulum civile proelium gessit et victus est.“

Ex quibus verbis haud inepte colliges Iulium apud Sallustium invenisse, Lepidum conatus suos non cum Sulla imperium teneret, sed in consulatu suo atque post id imperium parasse.

Tertium autem est genus eorum, qui certissime affirmant, Lepidum Sulla vivo, nihil ausum esse atque hoc demum mortuo diu dissimulata consilia patefecisse. Hi quatuor sunt numero: Zonaras, Plutarchus, Appianus et Orosius.¹²⁷⁾

¹²⁷⁾ Zonaras in analib. X.2. edit. Bonn. pag. 302. — Plutarchus in Sulla cap. 34. et

Ex his Zonaras narrat:

„Λέπιδος μέντοι σπουδῇ Πομπηίου ὑπατείας τυχόν, εἰς τὴν Σύλλα δύναμιν ἐκείνου τελευτήσαντος ἑαυτὸν εἰζεποίει καὶ εἰς θῦς ἔνοπλος ἦν, τὰ τῶν στάσεων ὑπολείμματα ἀνακινῶν.“

Plurima autem hac de re Plutarcho et Appiano debemus. Prior enim in vita Sullae haec fere memoriae prodit:

„Sullam, felicitis nomine assumpto, dictataram deposuisse, iureque creandorum consulum populo reddito, comitiis non interfuisse, sed eo tempore in foro mansisse. Animadvertisse autem Lepidum ex adversa parte (οὐδὲ ἑαυτὸν) Pompeio preusante consulem designari, Pompeiumque hac victoria exsultantem in foro ad se accersivisse factoque exprobrato mala inde oritura praedixisse. Atque re vera novum consulem Pompeianis mox bellum intulisse.“

Pomp. capp. 15 et 16. — Appianus de B. C. I.99 — 107. — Orosius in historiarum V,22.

Alio loco Chaeronensis eadem ad hunc fere modum persequitur: „Sulla post Pompeii de Africa triumphum pudore commotus quievit, denique vero electionem Lepidi graviter ferens, Pompeio e comitiis digredienti id male cessurum, in foro praedixit, cumque in testamento praeteriit. Haec autem vaticinia mox post Sullae mortem evenerunt, cum Lepidus omni dissimulatione deposita statim arma cepit.“

Appianus nobis testis copiosissimus adest, apud quem haec inveniuntur:

„Olympiade, ait, centesima septuagesima et quinta respublica romana Sulla dictatore facto ad regni formam rediit. Tamen Sulla populo concessit, ut Tullium et Dolabellam consules crearet, quibus ipse dictator praecesset, insequentique anno cum Metello Pio consul creari passus est. Dein vero consulatum ultro oblatum recusavit, Servilioque Isaurico et Appio Claudio consulibus populo datis, summum imperium deposuit atque in Cumanum secessit. Sed vix abdi-

cata dictatura, dissensiones Romae exortae sunt, atque Catulus a Sullanis, Lepidus ab adversariis consules electi. Dein exsequiis Sullae invito Lepido perfectis, consules statim inter sese altercati sunt; qua re senatus reipublicae timens eos iureiurando adstrinxit, armis inter sese non esse certaturos. Lepidus vero in Etruriam provinciam profectus, clam bellum paravit; denique, consilia sua senatui iam perspecta esse sentiens, exercitum ad urbem duxit, in cuius conspectu a Sullanis victus in Sardiniam traiecit.“

Haec Plutarchi et Appiani de abdicationis tempore testimonia ab Orosio confirmantur, cuius verba sunt:

„Creatis itaque P. Servilio et Appio Claudio consulibus visus est tandem Sulla privatus.“

VIII. Quibus testimoniis, si diligenter perpenduntur, haec effici videntur.

Omnes illi scriptores, quos primo et altero loco posui, vel totam historiam romanam in brevem summam comprehenderunt vel occasione in aliarum rerum tractatione oblata de Lepidi conatibus breviter memoraverunt. Quare singulas res, quae ad totam historiam leviores essent, vel ad propositum minus facerent, omiserunt. Unde fieri potuit, ut pacem dicerent eam, in qua nullum bellum civile, attamen caedes et proscriptiones essent,¹²⁸⁾ parvumque tumultum et caedem, si qua post hanc orationem fuit, silentio praeterirent, eadem ratione qua clodianas caedes reticuerunt, quas tamen factas esse aliunde compertum habemus.¹²⁹⁾ Quin ipse Macer hunc tumultum, si qui fuit, ab optimatum hoste concitum, cuius ne nomen qui-

¹²⁸⁾ Ita Florus III, 21. no. 23: nec idem tamen caedum qui belli finis fuit: stricti etiam et in pace gladii rel. — Lucanus: omnia Sullanae lustrasse cadavera pacis. Pharsal. II. 171. ibique Gortius et Weberus.

¹²⁹⁾ Cicero pro Mil. 14. crudelissima in foro caede facta.

dem publice proferre ausus est, facile omittere potuit. Accedit etiam temporis ratio. Constat enim, Sullam annos quinquaginta natum primum consulatum anno urbis gessisse DCLXV. (Olymp. 173, ante Chr. 88.),¹³⁰⁾ mortuum autem esse annum agentem sexagesimum et primum:¹³¹⁾ qui prior numerus his X annis additus, annum urbis efficit DCLXXV. eundem, quo Lepidus consul fuit. Ex quo patet, Lepidum eodem anno magistratum iniisse, quo Sulla diem obiit. Inhibentur autem tunc temporis magistratus Calendis ianuariis.¹³²⁾ Quare nec temporis ratio nec illi, quos secundo et primo loco posui, testes intercedunt, quominus haec oratio a Lepido consule in Sullam dictatorem pronuntiata sit.

Sed obstant illi, quos tertio loco dixi, rerum scriptores.

¹³⁰⁾ Velleius II, 17. — Plutarchus in Sulla 6.

¹³¹⁾ Appianus B. C. I, 105. — Valer. Max. IX, 3. §. 8.

¹³²⁾ Göttingius cit. §. 99. pag. 272. —

Ex his Zonaras in numero non est; nam Plutarchum ad verbum descripsit, ideoque non verus atque idoneus testis est, sed assertor eius rei, quam ab aliis accepit.

Paulus Orosius Iustinum, Trogi Pompeii epitomatores, auctores sequi solet: interdum solus, interdum cum Iustino errat; sed in illis rebus, quas ex sinceris fontibus hausit, testis est minime spernendus.¹³³⁾ Nostro autem loco in libro annalium more confecto invenisse videtur, Sullam iisdem, quos Appianus scribit, consulibus abdicasse.¹³⁴⁾

Plutarchi principalis cura in explicandis moribus atque indole clarorum virorum versatur: qua ratione res vel diversissimas in narrando coniungit, aliasque inter sese co-

¹³³⁾ Baehrius cit. §. 238. — Fabricii biblioth. lat. IV, 3.

¹³⁴⁾ Novissime docte sciteque de Orosio disputavit Mörnerus: De Or. vita eiusque histor. libb. 1846.

haerentes disponit atque divellit. Quapropter chronologicam rationem minus curat saepeque tempora confundit atque miscet.¹³⁵⁾ Itaque nostro quoque loco, quamquam commentarii Sullae et Sullanorum ei ad manus erant,¹³⁶⁾ ignorasse videtur, Sulla dictatore plures iam consules ante Lepidum electos fuisse, eumque repente et Sulla paene inscio creatum facit; quasi consulatum nulla petitione clam accipere potuisset! Quae incuria et levitas totam Plutarchi hac de re narrationem tam inconditam atque incertam faciunt, ut dubiae fidei esse videatur. Potuit enim res tam negligenter componens, etiam in hac parte ingenium potius et rurem, quam certos testes sequi.

Appianus quoque in rebus, quas ab aliis mutuatur, veracissimus, ubi suo ingenio indulget, temere iudicat, saepeque falsa veris

¹³⁵⁾ Kiene cit. pag. 230—246. Niebuhrius Vorlesungen cit. pag. 97.

¹³⁶⁾ Kiene l. c. —

immiscet.¹³⁷⁾ Quare nostro quoque loco in anno erravit; nam Sulla dictaturam non Olympiade centesima septuagesima et quinta, sed anno urbis DCLXXI. iniiit, qui Graecis annus est tertius olympiadis centesimae septuagesimae et quartae. In quo lapsus videtur homo graecus cum annos romanae reipublicae ad suam computationem referre vellet. Contra vero illa, quae de consulibus narrat, verissima sunt: fasti enim capitolini eocum consentiunt. Fuerunt autem consules:

Ol.	a. Chr.	a. U.	
174 ³	82.	671.	C. Marius Cn. Carbo in mag. occisi. L. C. Sulla Felix Dr. L. Valer. Flaccus Mag. Equit.
174 ⁴	81.	672.	M. Tullius Cn. Dolabella.
175 ¹	80.	673.	L. Corn. Sulla II. Q. Metellus Pius.

¹³⁷⁾ Niebuhrius in röm. Gesch. II, 575. III, 233. 587. 563. —

Ol.	a. Chr.	a. U.	
175 ²	79.	674.	P. Servil. Isauricus App. Claud. Pulcher.
175 ³	78.	675.	M. Aemil. Lepidus Q. Lutat. Catulus. ¹³⁸⁾

Haec igitur Appiani in recensendis consulibus veracitas fidem facit, ut eum de abdicationis tempore nihil temere scripsisse, sed probos testes secutum esse putemus.

De dissensione inter Plutarchum et Appianum, quorum prior Sullam cum Lepidus eligeretur Romae praesentem, alter absentem dicit, non quaeram: res enim secundaria est, neque quidquam ad explicandam ipsam orationem facit. Id tantum urgeo, Orosium Plutarchum et Appianum in hoc consentire, Lepidum abdicata iam dictatura electum esse, vivoque Sulla consilia sua

¹³⁸⁾ Laurent fasti consulares capitolini 1833. Peter röm. Zeittafeln 1841. consulibus anni non nominatis, Sullam anno urbis 676. mortuum esse, refert. — Fischer, röm. Zeittafeln 1846. eum nostro Lepido et Catulo Coss. defunctum narrat.

dissimulavisse. Testimonia autem his contraria, omni data opera, nusquam inveni.

VIII. Quare iam ipsam orationem perpendamus, num graecum et hispanum hostem romana virtute devincat.

Primum formae et significationes insolentiores in oratione nostra occurrunt, verba activa absolute, frequentativa pro simplicibus posita: adiectiva et participia locum substantivorum occupant: pronomina maiori cum vi in alia commutantur; quaedam particulae saepius quam aliae usurpantur.¹³⁹⁾ Dein verborum positiones inusitatae offenduntur, utputa pronominum cum neutro aliarum vocum crebra coniunctio: substantiva collectiva cum plurali, feminina abstracta

¹³⁹⁾ Utputa: quom, advorsum, serviti, maxumus, faciendus, intellexerint; — obviam eundum, agendum, obiectat, agitandi; — pessumi, flagitiosorum postremus, externi, divina, humana, nefanda — pronomina demonstrativa pro relativis in nostra oratione saepius occurrunt atque particulae sed, igitur, at, atque Sallustio usitatissimae. Gerlach III, 315.

cum neutro copulantur: quaedam ad graecum dicendi morem effinguntur.¹⁴⁰⁾ Praeter haec variationes scturae inveniuntur, quae diversitate sua expressiores fiunt: quin adeo multae sententiae iisdem fere verbis repetitae sunt, quibus Sallustius in Catilina et in Iugurtha usus est.¹⁴¹⁾ Itaque, ut verbo absolvam, haec oratio et formis et verborum positionibus et aliis rebus, quibus Sallustii usus a ceteris scriptoribus discedit,¹⁴²⁾ ab huius scriptoris dicendi genere haud aliena videtur.

Sed aliae res Sallustio minus dignae

¹⁴⁰⁾ Utputa: estne aliud reliqui — proles, geniti — probitas et clementia vestra — post futuri est graecum *οἱ ἔπειτα γενησόμενοι*.

¹⁴¹⁾ Utputa: quid defensum est aliud, — quam sedes — neu cui nisi legibus paremus. — Iugurtha 31. regna provinciae, leges iura iudicia, bella atque paces, postremo divina et humana omnia penes paucos erant.

¹⁴²⁾ De his vide sis doctam Gerlachii disputationem: de proprietate sermonis Sallustiani, Gerlach, cit. III, 307 — 332.

sunt. Rerum sane ordo is est, qui bene se habeat, quique documento sit, veteres in orationibus suis c̄rtum argumentorum ordinem sedulo quaesivisse.¹⁴³) Quinque enim sunt orationis partes. Inilio enim orator monere volebat, ne Sullae tyrannidem ferrent, neve illos imitarentur, qui Sullam, quam libertatem sectari mallent. Hanc enim tyrannidem intolerabilem esse, ideoque vi propulsandam. Tertio loco se a Sullae conviciis purgare atque innocentiam suam testari debebat; postremo autem docere, Sullae vires fuitiles esse atque facile labefactari posse: atque in fine hortari, ut se ad recipiendam libertatem sequerentur. Hoc enim concionis schema oratori propositum atque adumbratum fuisse, iterata lectione facile tibi persuadebitur. Sed nunc vide, quomodo singulas res et cogitationes ad hunc ordinem composuerit atque digesserit. Primum timet, ne populus romanns a Sulla circumveniatur

¹⁴³) Veteres certa praecepta in orationibus secutos esse nuper docte et eleganter demonstravit Spengelius in praef. Rhetoric. ad Alexandrum.

atque pericula vitare, quam iniurias ulcisci malit. Satellites quidem se mirari Sullae, qui libertatem subvertere velint, a Pyrrho Hannibale aliisque externis regibus defensam. (§§phis 1. et 2.) Huius autem libertatis iura Sullam arripuisse, qui eorum metu tutus sit. Quare agendum esse, quum nunquam dominationi renuntiaturus sit; nunc metum esse habendum vel faciendum; populum enim ad extrema redactum esse. (§§. 3. et 4.) Se neque seditiosum neque sectorem esse, nec aliena praeda fructurum; finem autem faciendum esse scelerum, quorum Sullam non poeniteat. (§. 5.) His rebus populo expositis, se iam non timere, quid de Sulla existiment, sed quantum audeant; solos satellites illi favere; milites enim in paludes relegatos, tribunatui infensos non esse. Sullam igitur tanto agmine incedere, quia res secundae eius vitis obtentui sint; viribusque labefactis contemptui fore. Nunquam autem aliquid in legibus mutaturum, quin adeo tyrannidem suam populo salubrem praedicare. (§§. 6. et 7.) Quae si populo placeant, in servitute mancant: se quidem

non mansurum. Quod consilium si probent, se ad libertatem recuperandam sequantur. (§. 8.)

Quid in his offendat, ante oculos positum est. Primum enim singulae res apta cohaerentia carent, ita ut eadem pluribus locis repetantur. Dein plurima argumenta vigore atque nervo destituta sunt; utputa: libertatem romanam ab externis regibus defensam memorat, cum potius contra Cornelium de republica a regibus et superbis civibus in libertatem vindicata atque de tribunatu, libertatis propugnaculo, a cive everso, dicendum erat: de hoc autem tribunatu, quasi de parva re, alieno loco inter milites pauca verba facit, nihil severe, nihil fortiter agens. Dein quam debilis atque elumbis haec de militibus argumentatio, eos scilicet tribunatum non eversuros, quia in paludes relegati sint! quis autem ignorabat, eos facile revocari posse, ut re vera ad exsequias Sullae Romam ultro affluxere? ¹⁴⁴⁾ Quae-

¹⁴⁴⁾ Appianus B. civ. I, 105. sq.

dam praeterea adeo a veritate abhorrent, ut Lepidus auditoribus vix fidem facere potuerit. Sullanos enim miserrimos dicit, quos a Sulla ditatos esse omnes, ipso Sallustio teste, sciebant; ¹⁴⁵⁾ plebem fame laborare narrat, cum ipsi auditores effusas largitiones Sullae eiusque copiosissima epula vidissent. ¹⁴⁶⁾ Postremo gravibus in rebus sibi non constat, ita, exposito parvo satellitum numero, mox Sullam magno cum agmine incedentem facit (§. 7.), atque, quod maxime miror, timet, ne populus parum credendo a Sulla circumveniat. Quid parum credere poterant de viro, cuius rapinas, caedes incen-

¹⁴⁵⁾ Cicero parad. VI, 2. — Sallustius Catilina cap. 51. 34, neque prius finis iugulandi fuit, quam Sulla omnis suos divitiis explevit. *ibid.* cap. 37. deinde multi memores sullanae victoriae, quod ex gregariis militibus alios senatores videbant, alios ita divites, ut regio victu — aetatem agerent, sibi quisque talia sperabat. Adde *ib.* capp. XI. extr. XXVIII, 4.

¹⁴⁶⁾ Plutarchus in Sulla 35. Appianus in bell. civ. I, 99.

dia ¹⁴⁷) viderant? quid reliquum erat tyrannidis, si populus, quod Lepidus vult, omni iure exutus, omniaque humana atque divina polluta erant? quas tyrannidis miserias eos docere potuit, quibus tyrannus ne servilia quidem alimenta reliquerat? Haec Lepidi argumentatio rhetoris est, non pro re et tempore dicentis, sed vana verba iactantis. Quibus rebus ad summam addo: hanc parum sibi constantem rationem in tota oratione perspicui, quae inde quid fluxi atque incerti cepit: cuius rei exempla plurima proferri possunt, utputa: praesidia novi consilii in sola audacia ponuntur, hostium autem vires futiles esse asseritur, non demonstratur: Lepidus nullum certum consilium profitetur, nulloque hoste, quem confestim petant, indicato, ad repentina arma vocat. Alia in super res admirationem movet, nempe Lepidum Sullae tyrannidem saepius criminari, dictaturae vero nomen quasi de consilio vitare.

¹⁴⁷) Plutarchus in Crasso 2. ἐξηγόραζε τὰ καιόμενα καὶ γειννῶντα τοῖς καιομένοις διὰ φόβον τῶν δεσποτῶν ἐπ' ἀλίγης τιμῆς.

Quanta hic erat materia de dictaturae odio post tot lustra revocato, invidiose criminandi! Quidni potius populo exponit, Sullam dictatorem ab ipsis non iure, sed vi creatum ideoque superbum esse atque tyrannum? Postremo ineptam Graecorum imitationem in hac oratione animadvertes. Quamquam enim non infitior Sallustium cum in locutionibus, tum in sententiis graeca exempla secutum esse; ¹⁴⁸) sed unquam adeo ineptum fuisse nego, ut ea mutaretur, quae rebus et tempori repugnarent. Absonum enim illud exordium, de timore, ne populus a Sulla circumveniat, totum ex Thucydide desumptum est, ¹⁴⁹) pluraque alia, quae in hac oratione leguntur, ex Graecis, inprimis Demosthene, excerpta sunt; cuius rei documenta apud interpretes passim invenies. Quo au-

¹⁴⁸) Poppo de Thucydidis imitatoribus ante edit. Thucydidis. — Gerlachius cit. III, 331.

¹⁴⁹) Ex oratione Corinthiorum ad Lacedaemonios, I, 68. Illa quoque affirmatio Sullam non abdicaturum, neque male parva periculosius dimissurum, tota ex Thucydide est. II, 63.

tem iure Sallustium, qui nusquam Graecorum simiam egit, tam insulsum fuisse argues, ut orationes Corinthiorum, aliorumque rebus laconicis aliisque aptum, ad res romanas referret, quarum status longe alius erat? aliaque reciperet, quae graeca magniloquentia tumerent, romana gravitate plena essent? Ubi, quaeso, in his omnibus illa praedicata Sallustii brevitatis? ubi „illae sententiae, ex quibus nihil demi sine sensus detrimento potest“? quid in his Crispo, „primo in romana historia“, simile? ¹⁵⁰⁾ Haec Lepidi oratio mera puta declamatio est!

At unum fortasse, quamvis dubitatione motus, mihi obiicies, scilicet, hanc concionem neque loco neque tempore aptam, tamen ad leve Aemilii ingenium a Sallustio effictam esse, ut luculentam reipublicae romanae Sulla dominante imaginem ante oculos po-

¹⁵⁰⁾ Seneca epist. CXIII: „ex Sallustii sententia nihil demi sine sensus detrimento potest.“ Quinctilianus X, 5. „illa sallustiana brevitatis, qua nihil — potest esse perfectius.“ Martialis XIV. „primus romana Crispus in historia.“

neret; quod etiam Gerlachio placuisse video. ¹⁵¹⁾ Sed tale commentum, quam Sallustio indignum sit, iam supra exposui. Abhorret etiam a Sallustii scribendi ratione, nam in aliis eius orationibus omnibusque scriptis eum scriptorem agnosces, qui suas quam alienas sententias proferre malit, quique aliorum verba ita reddat, ut sua videantur: utputa Caesaris oratio tota fere Sallustii est, ¹⁵²⁾ quamquam genuina exempla in manibus erant. ¹⁵³⁾ Quare valde dubitandum est, quin Sallustius (adeo si, quod aiunt, haec oratio mere efficta sit,) famae suae tam parum consuluerit, ut ingenio frenos ad-

¹⁵¹⁾ Gerlachius cit. III, 53. et 54. —
cfr. praeterea not. 122.

¹⁵²⁾ In hac quoque oratione Thucydidem ante oculos habuit (III, 42 sq.); sed vide quam scite et sollerter Graecum non imitetur, sed superet.

¹⁵³⁾ Plutarchus in Catone testis est. Ciceronem scribas plures disposuisse, qui omnia tunc temporis in senatu dicta notis brevibus exciperent. Haec sine dubio Sallustium non fugerant, qui tamen more sua verba proferre maluit.

hiberet atque orationem suo nomine ederet, in qua multa de consilio false atque inepte disputaret.

X. Quibus rebus probe perpensis, ita existimo: primum a vero alienum videri, Lepidum tam seditiosam orationem Sulla praesente atque rem publicam tenente, impune habuisse; dein Plutarchi, Appiani et Orosii testimonia consensu fidem facere, Lepidum vivo Sulla nihil contra eius acta palam moliri ausum; eaque testimonia, nisi repertis aliis certis veterum testimoniis temere posthaberi; quorum ego equidem inveni nullum; ideoque hanc orationem rhetoricum specimen esse, optimo ordine fortasse magistri ope excogitatum, cuius tamen auctor in singulis partibus ab hoc ordine discesserit, parumque sibi consulerit. Scimus enim Sallustium plures imitatores nactum esse, qui sua scripta eius nomine venditarent; in quibus M. Porcius Latro primum locum tenebat.¹⁵⁴⁾ Con-

¹⁵⁴⁾ De hac re vide sis Gerlachium cit. II, 23 et 24. — Baehrium cit. §. 191.

quirebantur autem eiusmodi orationes imperatorum tempore, quo ditissimus atque clarissimus quisque imperium affectare et ad tempus paratas orationes in promptu habere solebant, quibus in alloquendis militibus vel civibus uterentur.¹⁵⁵⁾ Unde etiam factum videtur, ut haec oratio contra rei veritatem in Sullam efficta, aliquid vagi atque incerti habeat, et paucis rebus atque sententiis mutatis, in quemcunque saevum atque violentem tyrannum quadret. Quisquis autem ille fuit, qui eam scripsit, Sallustii elocutionem diligenter edidicerat,¹⁵⁶⁾ eiusque genuinam hi-

¹⁵⁵⁾ Teste Suetonio in Tito cap. 6. Caecianam — confodi iussit; sane urgente discrimine, cum etiam chirographum eius praeparatae apud milites concionis deprehendisset. Idem in Domitiano cap. 10. Complures interemit: — Metium Pomposianum, quod habere imperatoriam genesin vulgo ferebatur, concionesque regum ac ducum ex Livio circumferret.....

¹⁵⁶⁾ Colligebantur enim a veteribus elocutionum ex classicis scriptoribus exempla; cuius generis librum praeter alios confecit Amsianus Messus.

storiā ante oculos habuisse videtur; sullānarum enim rerum scientissimus est. Illae quoque huius orationis voces, quas veteres ipsi Sallustio adscribunt, ex eadem historia desumptae videntur. ¹⁵⁷⁾

De hoc libro qui diu Frontonis habebatur, vide sis Niebuhr. Frontonis opp. 1816. XXXI. sq.

¹⁵⁷⁾ Utpote Servius ad Virgil. eclog. III, 13. „Sic Sallustius: scaevus Romulus.“ — Seneca rhetor. controvers. IV, 24: „sallustianum: Res secundae mire sunt vitii obtentui.“

Video nostris diebus multos eo processisse audaciae, ut ingenii ostentandi causa genuina scripta pro falsis habeant, atque a veris auctoribus abiudicent, aut omni vetustatis pietate omissa veterum testimonia vel ad libitum interpretentur, vel, si clare refragantur, insolenter repudiant. ¹⁵⁸⁾ Ego contra certis veterum testimoniis mihi nitū videor; neque in maiorem temeritatis reprehensionem incursum esse, quam illi viri, qui duas ad Caesarem epistolas, quae vulgo Sallustii feruntur, quum et temporum ratione et parum vero simili conceptione et argumentorum debilitate suppositiciae videantur, a C. Crispo abiudicarunt. ¹⁵⁹⁾

¹⁵⁸⁾ Taxavit nuper, ut solet, lepide et graviter, celeberr. Henr. Carol. Abrah. Eichstadius hanc temeritatem in disputatione: de ICorum atque philologorum discordi saepe concordia, Jenae 1839.

¹⁵⁹⁾ Sunt hi Lipsius, Carrio, Gerlachius, F. A. Wolfius, Kritzius, quem vide in praefatione editionis Sallustii pag. XVII. et sq.

Fribergae Saxonum, typis Gerlachianis.
